



MINISTÉRIO DOS TRANSPORTES E COMUNICAÇÕES (MTC)
DIREÇÃO GERAL DE COMUNICAÇÕES (DGC)
DIREÇÃO NACIONAL DE METEOROLOGIA E GEOFÍSICA (DNMG)



ATUALIZASAUN EL-NIÑO 2026-2027



Data: 11 Setembru 2026

DNMG – hakarak atualiza ba publiku kona ba dezvoltamentu fenomenu El Niño ba final tinan 2026 no inisiu tinan 2027. Tuir observasaun ne'ebe DNMG halo, oras ne'e daudaun EL nino estabese hela iha Pasífiku Tropikal no espera atu fortalece tan tuir informasaun foun husi WMO no NOAA/CPC/APCC21. WMO hatudu iha loron 3 Setembru 2026 katak El Niño iha possibilidade besik 100% atu kontinua to'o Feveireiru 2027, no bele sai forte liu iha final tinan 2026. NOAA/CPC mos estima liu husi 90% probabilidade ba eventua **Forte Liu** durante fulan Setembru 2026 to'o Janeiru 2027.

Ba Timor-Leste, El Niño bele aumenta risku ba udan menus no la regular, halo estasaun udan atrasa, temperatura aas no menus bee - liuliu durante fulan Novembru 2026 to'o Abril 2027.

KONDISAUN ATUAL NO PREVISAUN

- WMO (3 Set 2026): El Niño estabese ona, *probabilidade besik 100%* atu kontinua to'o Feveireiru 2027
- NOAA/CPC (Agostu 2026): Liu husi 90% probabilidade atu sai *forte liu* (Set 2026-Jan 2027)
- Índise Niño 3.4: +1.4 grau; Niño 3: +1.7 grau; Niño 1+2: +2.9 grau (Julhu 2026)
- Importante: Intensidade El Niño la signifika impaktu lokal sai automatikamente forte - depende mos ba sistema meteorolojiku sira hanesan monsoon, IOD, MJO no variabilidade lokal



IMPAKTU ESPERADU BA TIMOR-LESTE

Impaktu potensial ba setór sira

Setór	Impaktu Potensial
Agrikultura	Atrasu plantasaun, falta bee, produtividade tun
Rekursu Bee	Disponibilidade bee menus, mota no fonte bee tun
Pecuária	Falta bee no ai-han ba animal
Saúde	Risku temperatura aas, heat stress, desidrataaun
Seguransa Alimentar	Produsaun ai-han bele tun
DRR	Kondisaun maran aumenta risku incêndiu
Edukasaun	Falta bee afeta higiene no ambiente eskola
Turismu	Menus atividade turistika, rendimentu hotel & restaurante
Biodiversidade & floresta	Ahi han rai

MENSAJEN PRINSIPÁL

El Niño 2026-2027 estabelese hela no espera atu fortalece, ho probabilidade a'as tebes atu sai **forte liu** iha final tinan 2026. Períodu Novembru 2026-Abril 2027 presiza atensaun espesial tanba risku udan ben menus, bailoron, temperatura a'as no falta bee iha Timor-Leste.

Públiku no instituisaun relevante sira rekomenda atu aumenta preparasaun, jestaun bee, monitorizasaun agrikultura, no kontinua tuir informasaun no avisu husi DNMG.

KONKLUZAUN


Prioridade mak monitorizasaun no preparasaun. DNMG sei kontinua monitoriza kondisaun atmosfera no tasi, no sei atualiza informasaun klimatika bainhira iha mudansa. Asaun sedu entre setór sira presiza atu hamenus potensial impaktu ba agrikultura, recursu bee, saúde, seguransa alimentar no moris comunidade.

Prepara husi:



Meteorologista DNMG

Koñesimentu husi:


Terêncio T. T. F. Moniz

Diretor DNMG

